


T 713/4118.2(3)

CHINESE - JAPANESE LIBRARY
HARVARD - YENCHING INSTITUTE
AT HARVARD UNIVERSITY

MAR 24 1958

三



春秋左傳杜注卷第四

華亭姚培謙學

哈佛大學
圖書館
珍藏印

閔公

名啓方莊公之子母叔姜史記云名開謚法在國遭難曰閔

經元年春王正月○齊人救邢○夏六月辛酉葬我君莊公○秋八月公及齊侯盟于落姑

落姑齊地在今山東兗

州府東平州平陰縣界

季子來歸

季子公子友之字季子忠於社稷為國人所思故賢而字之齊侯許納故曰歸

○冬

齊仲孫來

仲孫齊大夫以事出疆因來省難非齊侯命故不稱使也還使齊侯務寧魯亂故嘉而字之來者事實省難其志也故

經但書仲孫之來而傳尋仲孫之志

傳元年春不書即位亂故也

國亂不得成禮○朱子曰公即位要必當時別有即位禮數不

書即位者此禮不備故也

狄人伐邢

狄伐邢在往年冬

管敬仲言於齊侯曰戎狄豺

狼不可厭也

敬仲管夷吾厭平聲

諸夏親暱不可弃也

諸夏中國也暱近也

宴安酖毒不可懷也

以宴安比之酖毒

詩云豈不懷歸畏此

簡書

詩小雅也文王為西伯勞來諸侯之詩○勞來並去聲

簡書同惡相恤之謂也

同恤

所請救邢以從簡書齊人救邢

○夏六月葬莊公亂故是以緩

十一月乃葬

○秋八月公及齊侯盟于落姑請復季友也

閔公初立國家

多難以季子忠賢故請霸王而復之

齊侯許之使召諸陳公次于郎以待

之非師旅之事故不書次

季子來歸嘉之也

○吳氏澂曰此時慶父秉外權哀姜為內主蓋惟恐季友之歸

閔公九歲爾孰能奉之出會霸王而為國計者必魯之世臣有不當權而忠于國能如衛之石碻深謀秘計告于霸王請復季友故桓公以霸令召閔公至齊地而與之盟使若復季友之意出于齊而不出于魯故盟以要其信而使魯復之既盟之後桓公使召諸陳而閔公次于郎以待之若不敢背伯主之盟而使季友得以歸魯者季友以伯主之重則慶父不敢去之矣卓氏爾康曰以經傳推之時陳方為齊所厚且與魯交好季友又嘗一再如陳其出奔陳蓋有所託然則落姑之盟亦季友援陳人以請于齊桓耳

○冬齊仲孫湫來省難

湫仲孫名○湫子小反

書曰仲孫亦嘉之

也仲孫歸曰不去慶父魯難未已

時慶父亦還魯

公曰若之

何而去之對曰難不已將自斃

斃踣也

君其待之公曰

魯可取乎對曰不可猶秉周禮周禮所以本也臣

聞之國將亡本必先顛而後枝葉從之魯不棄周禮未可動也君其務寧魯難而親之親有禮因重

固能重能固則當就成之間攜貳離而相疑者則當因而間之覆昏亂覆敗也○覆芳服反霸王

之器也霸王所用故以器為喻○王去聲

○晉侯作二軍晉本一軍見莊十六年公將上軍太子申生將下

軍趙夙御戎畢萬為右為公御右也夙趙衰兄畢萬魏犢祖父○犢尺由反以滅耿滅

霍滅魏平陽皮氏縣東南有耿鄉永安縣東北有霍大山三國皆姬姓城古霍國也俱屬山西平陽府還為太子城曲沃賜趙夙賜畢萬魏

以為大夫士蔿曰太子不得立矣分之都城而位

以卿先為之極又焉得立位以卿謂將下軍不如逃之無使

罪至為吳太伯不亦可乎太伯周太王之適子知其父欲立季歷故讓位而適吳猶有

令名與其及也言雖去猶有令名勝於留而及禍且諺曰心苟無瑕何恤

乎無家天若祚太子其無晉乎為晉殺申生傳○祚在路反卜偃曰

畢萬之後必大卜偃晉掌卜大夫萬盈數也魏大名也○魏即魏本字

孔疏論語云巍巍乎其有成功是魏為高大之名以是始賞天啟之矣天子曰兆

民諸侯曰萬民今名之大以從盈數其必有眾以魏

從萬有眾象初畢萬筮仕於晉遇屯三三震下坎上屯○屯張倫反之比三

三坤下坎上比屯初九變三二而為比○比毗志反辛廖占之曰吉辛廖晉大夫○廖力彫反屯固比

入吉孰大焉其必蕃昌屯險難所以為堅固比親密所以得入震為土震變為坤

車從馬震為車坤為馬足居之震為足兄長之震為長男母覆之坤為母眾歸

之坤為眾六體不易初爻變有此六義不可易也合而能固安而能殺公

侯之卦也比合屯固坤安震殺故曰公侯之卦。孔疏震之為殺傳無明文晉語云震車也車有威武昭二十五年傳云為刑罰威獄以類其震曜殺戮是震為威武殺戮之意也公侯之子孫必復其始畢萬公高之後傳為魏之子孫眾多張本

經二年春王正月齊人遷陽無傳陽國名蓋齊人偏徙之。今山東青州府沂水縣南有陽

都城即陽國也。○夏五月乙酉吉禘于莊公三年喪畢致新死者之主於廟廟之遠主當遷入祧因是大祭以審昭穆謂之禘莊公喪制未闋時別立廟廟成而吉祭又不於大廟故詳書以示譏。○胡傳于莊公者方祀于寢非宮廟也

秋八月辛丑公薨實弒書薨又不地者皆史策諱之○九月夫人姜氏孫

于邾哀姜外淫故孫稱姜氏。○孫音遜○公子慶父出奔莒弒閔公故○冬齊

高子來盟無傳蓋高偃也齊侯使來平魯亂僖公新立因遂結盟故不稱使也魯人貴之故不書名子男子之美稱○十

有二月狄入衛書入不能有其地。例在襄十三年○鄭弃其師高克見惡久不得還師潰而克

奔陳故克狀其事以告魯也

傳二年春虢公敗犬戎于渭汭犬戎西戎別在中國者渭水出隴西東入河水之隈曲曰汭。隈烏回反

舟之僑舟之僑號大夫曰無德而祿殃也殃將至矣遂奔晉

○夏吉禘于莊公速也李氏廉曰三傳皆知喪禘之失禮而不知魯本不當禘程氏胡氏能發明魯禘之非禮而不知禘本無合食惟趙子深得之而朱子取以釋論語又按趙子曰此禘于莊公蓋用禘祭禮物耳

閱公

閱公

閱公

閱公

閱公

閱公

閱公

閱公

閱公

閱公

○初公傳奪卜齋田公不禁卜齋魯大夫也公即位年八歲

田齋忿其傳并及公故慶父因之○齋魚綺反秋八月辛丑共仲使卜齋賊公于

武闈宮中小門謂之闈成季以僖公適邾僖公閔公庶兄成風之子共仲奔莒

乃入立之以賂求共仲于莒莒人歸之及密使公

子魚請密魯地琅邪費縣北有密如亭公子魚奚斯也不許哭而往共仲曰奚斯

之聲也乃縊慶父之罪雖重季子推親親之恩欲同之叔牙存孟氏之族故略其罪不書殺又不書卒○張氏洽曰慶父與

哀姜謀弑閔公欲自立而不遂此魯國秉禮之驗也方季友適邾之時使魯國無人安能遂姜氏慶父哉季友既立僖則當正慶父之罪致辟于甸人以

致兩弑其君之討乃以賂求于莒不許其入而已又立孟氏與叔牙同無復輕重之別豈非邦憲之大失與閔公哀姜之

娣叔姜之子也故齊人立之共仲通於哀姜哀姜

欲立之閔公之死也哀姜與知之故孫于邾齊人

取而殺之于夷以其尸歸為僖元年齊人殺哀姜傳夷魯地○與音預僖公請

而葬之哀姜之罪已重而僖公請其喪還者外欲固齊以居厚内存存母子不絕之義為國家之大計

○成季之將生也桓公使卜楚邱之父卜之卜楚邱魯掌卜

大曰男也其名曰友在公之右聞于兩社為

公室輔兩社周社亳社兩社之間朝廷執政所在季氏亡則魯不昌又筮之遇

大有三三乾下離上大有之乾三三乾下乾上乾大有六五變而為乾曰同復于父

敬如君所筮者之辭也乾為君父離變為乾故曰同復于父見敬與君同○孔疏離是乾子還變為乾故云同復于父言其尊與父

同也國人敬之其敬如君之處所言其貴與君同也及生有文在其手曰友遂以命之

及生有文在其手曰友遂以命之

遂以
為名

○冬十二月狄人伐衛衛懿公好鶴鶴有乘軒者

軒大夫車。將戰國人受甲者皆曰使鶴鶴實有祿位。車有籜曰軒。

余焉能戰公與石祁子玦與甯莊子矢使守莊子甯速也玦

玉玦。玦古六反。守去聲。下告守同。曰以此贊國擇利而為之贊助也玦示以當決斷矢示以禦難與

夫人繡衣曰聽於二子取其文章順序渠孔御戎子伯為右

黃夷前驅孔嬰齊殿傳言衛侯失民有素雖臨事而戒猶無所及。殿下練反。及狄人戰

于滎澤衛師敗績遂滅衛此滎澤當在河北君死國散經不書滅者狄不能赴衛之君臣皆盡無復

文告齊桓為之告諸侯言狄已去言衛之存故但以入為文。孔疏禹貢豫州滎波既豬導沈水入于河溢為滎是滎在河南此時衛都河北為狄所敗

乃東徙渡河故知此滎澤當在河北但沈水入河乃洪被河南多故專得滎名其北雖少亦稱滎也衛侯不去其旗是

以甚敗去聲狄人囚史華龍滑與禮孔以逐衛人華去聲

二人曰我太史也實掌其祭不先國不可得也夷狄畏鬼

故恐言當先白神乃先之至則告守曰不可待也守石甯二大夫夜與

國人出狄入衛遂從之又敗諸河衛將東走渡河狄復逐而敗之初惠

公之即位也少蓋年十五六齊人使昭伯烝於宣姜不可

強之昭伯惠公庶兄宣公子頑也昭伯不可生齊子戴公文公宋桓夫人

許穆夫人文公為衛之多患也先適齊及敗宋桓

公逆諸河迎衛敗眾宵濟夜渡衛之遺民男女七百有三

十人益之以共滕之民為五千人共及滕衛別邑。共音恭。立戴公

以廬于曹廬舍也曹衛下邑戴公名申立其年卒而立文公。曹詩作漕在河南今直隸大名府滑縣南二十里白馬故城是也。

許穆夫人賦載馳載馳詩衛風也許穆夫人痛衛之亡思歸唁之不可故作詩以言志。齊侯使

公子無虧帥車三百乘甲士三千人以戍曹無虧齊桓公子

三百與門材武孟也車甲之賦異於常故傳別見之。歸公乘馬祭服五稱牛羊豕雞狗皆歸遺也四馬曰乘衣單複具曰稱。門材使先立門戶。乘稱並去聲。歸夫人魚軒魚軒魚

鄭人惡高克使帥師次于河上久而弗召師潰

而歸高克奔陳高克鄭大夫也好利而不顧其君文公惡之而不能遠故使帥師而不召。鄭人為之

賦清人清人詩鄭風也刺文公退臣不以道危國亡師之本。

○晉侯使太子申生伐東山臯落氏赤狄別種也。臯落其氏族。里克

諫曰太子奉冢祀社稷之粢盛里克晉大夫冢大也。以朝夕視

君膳者也膳膳廚。故曰冢子君行則守有守則從從曰

撫軍守曰監國古之制也守從並去聲。監平聲。夫帥師專行謀

事也帥師者必專謀軍事。宣號令也。君與國政之所圖也非太子之

不孝故君之嗣適不可以帥師命將軍所制。適丁歷反。下配適同。君失其官

帥師不威將焉用之天子統師是失其官也專命則不孝是為帥必不威也。且臣聞臯

七

七

七

七

七

七

落氏將戰君其舍之○舍上聲公曰寡人有子未知其誰

立焉不對而退見太子太子曰吾其廢乎對曰告

之以臨民謂居曲沃教之以軍旅謂將下軍不共是懼何故廢乎

○共音恭且子懼不孝無懼弗得立修己而不責人則免

於難太子帥師公衣之偏衣偏衣左右異色其半似公服○衣之去聲下衣身之偏衣之純

佩之金玦以金為玦狐突御戎先友為右狐突伯行重耳外祖父也為申

服同生御申生以大子將上軍梁餘子養御罕夷先丹木為右罕夷晉下軍卿也梁餘子養為

羊舌大夫為尉羊舌大夫叔向祖父也尉軍尉先友曰衣身之偏偏半

握兵之要謂佩金玦將上軍在此行也子其勉之偏躬無慝

分身衣之半非惡意也兵要遠災威權在已可以遠害○遠去聲下同親以無災又何患焉

狐突歎曰時事之徵也歎以先支為不知君心衣身之章也章貴佩

衷之旗也旗表也所以表明其中心故敬其事則命以始賞以春夏服其身

則衣之純必以純色為服用其衷則佩之度衷中也佩玉者士君子常度○顧氏炎武曰佩

之合法度也記云世子佩瑜玉而綦組纓今命以時卒閱其事也冬十二月閱盡之時衣之

危服遠其躬也危雜色○危莫江反佩以金玦弃其衷也服以

遠之時以閱之危涼冬殺金寒玦離胡可恃也寒涼殺離

言無溫潤玦如環而缺不連○林氏堯叟曰衣之危雜則有涼薄之意命以窮冬則有肅殺之意金屬秋方其性剛而寒玦如環而缺離不相連屬

欲勉之狄可盡乎梁餘子養曰帥師者受命於廟

受服於社服宜社之內盛以服器○服市軫反以蜃飾器出兵祭社名為宜有常服矣不獲而

危命可知也韋弁服軍之常也危偏衣死而不孝不如逃之罕夷曰

危奇無常雜色奇惟非常之眼金玦不復顧氏炎武曰人臣賜玦則去故曰不復雖復何

為君有心矣有害大子之心先丹木曰是服也狂夫阻之阻疑也言

雖狂夫猶知有疑○阻莊呂反曰盡敵而反曰公辭○盡于忍反下盡敵同敵可盡乎雖盡

敵猶有內讒不如違之違去也狐突欲行行亦去也羊舌大夫

曰不可違命不孝弃事不忠雖知其寒惡不可取

子其死之寒薄也太子將戰狐突諫曰不可昔辛伯諗

周桓公諗告也事在桓十八年○諗音審云內寵竝后外寵二政嬖子配

適大都耦國亂之本也周公弗從故及於難今亂

本成矣驪姬為內寵二五為外寵奚齊為嬖子曲沃為大都故曰亂本成矣○顧氏炎武曰古人引言取大意不必事事符同今但以驪

姬寵奚齊嬖為國之亂立可必乎孝而安民子其圖之奉身為孝不戰為安民

與其危身以速罪也有功益見害故言孰與危身以名罪○晉語申生敗翟于稷桑而反讒言益起

○成風聞成季之繇乃事之成風莊公之妾僖公之母也○繇卦兆之占辭○繇音曹而

屬僖公焉故成季立之屬章○欲反

○僖之元年齊桓公遷邢于夷儀二年封衛于楚

邱邢遷如歸衛國忘亡忘其滅亡之困

○衛文公大布之衣大帛之冠大布鹿麕布大帛厚繒蓋用諸侯諒闇之服○繒疾陵反

閱公

務材訓農通商惠工加惠於百工敬教勸學授方任能

方百事之宜也元年革車三十乘季年乃三百乘衛文公以此年冬立齊桓公始

平魯亂故傳因言齊之所以霸衛之所由興革車兵車季年在僖二十五年蓋招懷遊散故能致十倍之衆遊必諱反

春秋左傳杜注卷第四

今意不必也
無難于曲天

春秋左傳杜注卷第五

華亭姚培謙學

魯僖公名申莊公之子閔公之兄母成風謚法小心畏忌曰僖

經元年春王正月○齊師宋師曹伯次于聶北救

邢齊帥諸侯之師救邢次于聶北者案兵觀釁以待事也次例在莊三年聶北邢地今山東東昌府聊城縣東北有聶城齊之西界近邢地也

曹伯公穀作曹師○夏六月邢遷于夷儀邢遷如歸故以自遷為辭夷儀邢地今直隸順德府邢

臺縣西有夷儀城○齊師宋師曹師城邢傳例曰救患分災禮也一事而再列三國於文不可言諸

侯師故○秋七月戊辰夫人姜氏薨于夷齊人以歸傳

閔二年不言齊人殺諱之書地者明在外薨○楚人伐鄭荆始改號曰楚○八月公會齊

侯宋公鄭伯曹伯邾人于櫪櫪宋地陳國陳縣西北有櫪城公及其會而不書盟還不以盟

告○櫪勅呈反○陳縣今河南開封府陳州州境有犂城即櫪城也○九月公敗邾師于偃偃邾地○當在

山東兗州府費縣南○冬十月壬午公子友帥師敗莒師于鄆

獲莒挈鄆魯地莒莒子之弟不書弟者非卿非卿則不應書嘉季友之功故特書其所獲大夫生死皆曰獲獲例在昭二十三年○鄆

力知反○女居反○十有二月丁巳夫人氏之喪至自齊僖公請而

葬之故告於廟而書喪至也齊侯既殺哀姜以其尸歸絕之於魯僖公請其喪而還不稱姜闕文

傳元年春不稱即位公出故也國亂身出復入故即位之禮有闕公出復

入不書諱之也諱國惡禮也掩惡揚善義存君親故通有諱例皆當時臣子率意而隱故無

深淺常準聖賢從之以通人理有時而聽之可也○劉氏敞曰諱國惡非史官之事春秋之意也

○諸侯救邢實大夫而曰諸侯總眾國之辭○按公穀皆以為三國之君自行邢人潰出奔師

奔聶北之師也邢潰不書不告也師遂逐狄人具邢器用而遷之師無私

焉皆撰具遷之無所私取○撰仕轉反○孔疏邢人潰而奔師棄其家之器物師逐狄人為之斂聚皆撰具以還邢人師人無所私取○夏

邢遷于夷儀諸侯城之救患也凡侯伯救患分災

討罪禮也侯伯州長也分穀帛

○秋楚人伐鄭鄭即齊故也盟于犂謀救鄭也犂即

櫪也地有二名○九月公敗邾師于偃虛邱之戍將歸者也虛邱邾地邾人

既送哀姜還齊人殺之因成虛邱欲以侵魯公以義求齊齊送姜氏之喪邾人懼乃歸故公要而敗之○虛起居反○虛邱當在今兗州府費縣界

冬莒人來求賂求還慶父之賂

公子友敗諸鄆獲莒子之

弟挈非卿也嘉獲之也莒既不能為魯討慶父受魯之賂而又重來其求無厭故嘉季友之獲而書

公

賜季友汶陽之田及費汶陽田汶水北地汶水出泰山萊蕪縣西入濟○費音秘○汶陽田其地今兗

州府寧陽縣境汶音問

州府寧陽縣境汶音問

○夫人氏之喪至自齊君子以齊人之殺哀姜也

為已甚矣女子從人者也言女子有三從之義在夫家有罪非父母家所宜討也○胡傳齊為

盟主義得舉法

盟主義得舉法

經二年春王正月城楚邱楚邱衛邑不言城衛衛未遷○朱名府滑縣東六十里隋衛南廢縣即

子詩經集註楚邱在滑州今直隸大

古楚邱城也與戎伐凡伯之地為二

○夏五月辛巳葬我小

君哀姜無傳反哭成喪故稱小君例在定十五年

○虞師晉師滅下陽下陽號邑在河東大陽縣

晉於此始赴見經滅例在襄十三年○穀梁傳非國而曰滅重夏陽也夏陽者

虞號之塞邑也滅夏陽而虞號舉矣大陽廢縣在今山西平陽府平陸縣東

北十五里又三十里為故下陽城

○秋九月齊侯宋公江人黃父盟于貫貫宋地梁國蒙縣西北有貫城貫與貫字相似江國在汝南安陽縣○貫音世○今山東兗州府曹縣西南十里蒙澤故城即古貫國也括地志安陽故城在新息縣西南八十里新息今河南汝寧府息縣是也

○冬十月不雨傳在三年

○楚人侵鄭

傳二年春諸侯城楚邱而封衛焉君死國滅故傳言封

不書所

會後也諸侯既罷而魯後至諱不及期故以獨城為文○按此以魯辭書之故不言諸侯爾

○晉荀息請以屈產之乘與垂棘之璧假道於虞

以伐虢荀息荀叔也屈地生良馬垂棘出美玉故以為名四馬曰乘自晉適虢途出於虞故借道○屈求勿反○公羊何氏註屈產出名

以伐虢

荀適虢途出於虞故借道

○屈求勿反○公羊何氏註屈產出名

馬之地今平陽府石樓縣東南四里有屈產泉乘去聲垂棘晉地

公曰是吾寶也對曰若得道於虞猶外府也

公曰宮之奇存焉宮之奇對曰宮之奇之為人也懦而不能強諫也懦弱且少長於君君暱

之雖諫將不聽親而狎之必輕其言乃使荀息假道於虞

曰冀為不道入自顛軫伐鄭三門前是冀伐虞至鄭鄭虞邑河東大陽縣東北有

冀之既病則亦唯君故言虞報伐冀使病將欲假道故稱虞疆以悅其心冀國名平陽皮氏縣東北有冀亭在今平陽府河津縣東北十五里今虢

為不道保於逆旅逆旅客舍也虢稍遣人分依客舍以聚眾抄晉邊邑抄初教反以侵敝邑

之南鄙敢請假道以請罪于虢問虢伐已虞公許之

且請先伐虢喜於厚賂而欲求媚宮之奇諫不聽遂起師夏晉

里克荀息帥師會虞師伐虢滅下陽晉猶主兵不信虞先書

虞賄故也虞非倡兵之首而先書之惡貪賄也

○秋盟于貫服江黃也江黃楚與國也始來服齊故為合諸侯

○齊寺人貂始漏師于多魚寺人內奄官豎貂也多魚地名闕齊桓多嬖寵內則如夫人者

六人外則幸豎貂易牙之等終以此亂國傳言貂於此始擅貴寵漏洩桓公軍事為齊亂張本

○虢公敗戎于桑田桑田虢地在弘農陝縣東北今河南陝州靈寶縣西二十五里稠桑驛即其地也

晉卜偃曰虢必亡矣亡下陽不懼而又有功是天

奪之鑿鑿所以自照而益其疾也驕則生疾必易晉而不撫其民

○僖公

四

矣。不可以五稔。

稔熟也。為下五年晉滅虢。張本。易去聲。稔入甚反。

○冬楚人伐鄭。鬬章囚鄭聃伯。

經書侵傳言伐本以伐興權。行侵掠為後年楚伐鄭。鄭伯

欲成張本。掠音亮。

經三年春王正月不雨夏四月不雨

一時不雨則書首月傳例曰不日旱

不為災

○徐人取舒

無傳徐國在下邳僮縣東南舒國今廬江舒縣勝國而不用大師亦曰取例在襄十三年。括地志

徐城縣西四十里有大徐城即古徐國也。今江南鳳陽府泗州北八十里有古徐城相傳為徐偃王築舒縣古城在今江南廬州府廬江縣西趙氏鵬飛曰齊桓自莊二十六年伐徐意徐遂服于齊也。徐服于齊則取舒之謀齊謀也。舒隸于廬而迫近楚詩曰荆舒是懲則楚之與國也。齊之為謀襲其不備而取之奪楚援也。

○六月雨

示早不竟夏

○秋齊侯宋公江人黃人會

于陽穀

陽穀齊地在東平須昌縣北。今陽穀縣屬山東兗州府。

○冬公子友如齊涖盟

涖臨也。○楚人伐鄭

傳三年春不雨夏六月雨自十月不雨至于五月

不日旱不為災也

周六月夏四月於播種五稼無損

○秋會于陽穀謀伐楚也

二年楚侵鄭故

○齊侯為陽穀之會來尋盟冬公子友如齊涖盟

公時不會陽穀故齊侯自陽穀遣人詣魯求尋盟魯使上卿詣齊受盟謙也。為去聲。

○楚人伐鄭鄭伯欲成孔叔不可曰齊方勤我

孔叔

鄭大夫勤恤鄭難

弃德不祥

祥善也

○齊侯與蔡姬乘舟于囿蕩公

蔡姬齊侯夫人蕩搖也。囿苑也。蓋魚池在苑中公

懼變色禁之不可公怒歸之未絕之也蔡人嫁之

為明年齊侵蔡傳

經四年春王正月公會齊侯宋公陳侯衛侯鄭伯

許男曹伯侵蔡蔡潰遂伐楚次于陘

楚強齊欲綏之以德故不速進而次陘陘楚地潁川召陵縣南有陘亭今屬河南許州鄆城縣

○夏許男新臣卒

民逃其上曰潰例在文三年遂兩事之辭

○楚屈完來盟于師盟于召陵

屈完楚大夫也楚子遣完

○秋及江人黃人伐陳

受齊命討陳之罪而以與謀為文者時齊不行使魯為主與謀例在宣七年

○八月公至自伐楚

無傳

○葬許穆公

冬十有二月公孫茲帥師會齊

人宋人衛人鄭人許人曹人侵陳

公孫茲叔牙子叔孫戴伯○霸國大夫會諸大夫

夫侵與國自此始陳氏傳良曰會侵未有書帥師者而公孫茲書帥師會救

未有書帥師者而公孫敖書帥師公子牙與弒子般公子慶父謀弒閔公而

茲與敖皆世為將是故謹志之公子友帥師敗莒師于鄆公孫茲帥師會侵陳公孫敖帥師及諸侯之大夫救徐見三家之所從始也

傳四年春齊侯以諸侯之師侵蔡蔡潰遂伐楚楚子使與師言曰君處北海寡人處南海唯是風馬牛不相及也

楚界猶未至南海因齊處北海遂稱所近牛馬風逸蓋未界之微事故以取喻○孔疏服虔云風放也牝牡相誘謂之風尚書稱馬牛其風此言風馬牛謂馬牛風逸牝牡相誘蓋是末界之微事言此事不相及故以取喻不相干也

公名康公周太保名公奭也曰五侯九伯女實征之以夾輔周室五等諸侯

九州之伯皆得征討其罪齊桓因此命以夸楚賜我先君履東至于海西至于河

南至于穆陵北至于無棣穆陵無棣皆齊竟也履所踐履之界齊桓又因以自言其盛○今山東青州府臨朐縣東南一百五里有穆陵關在大峴山上伏琛齊地記無棣在渤海高城縣今直隸河間府滄州鹽山縣即古無棣也縣南有無棣溝爾

貢包茅不入王祭不共無以縮酒寡人是徵包裏束也茅菁

茅也束茅而灌之以酒為縮酒尚書包匭菁茅茅之為異未審○共音恭○縮所六反鄭氏興曰束茅立之祭前沃酒其上酒滲下去若神飲之故謂之縮縮也昭王南征而不復寡人是問昭王成王之孫南巡守涉漢滲也

侯不知其故故問之○齊侯以為楚罪而問之也對曰貢之不入寡君之罪也敢

不共給昭王之不復君其問諸水濱昭王時漢非楚竟故不受罪師

進次于陘楚不服罪故復進師夏楚子使屈完如師如陘之師觀強弱師退

次于召陵完請盟故齊侯陳諸侯之師與屈完乘而觀之

乘共載○乘去聲齊侯曰豈不穀是為先君之好是繼與不

穀同好如何言諸侯之附從非為己乃尋先君之好謙而自廣因求與楚同好孤寡不穀諸侯謙稱○為好並去聲對

曰君惠徼福於敝邑之社稷辱收寡君寡君之願

也○徼古堯反齊侯曰以此眾戰誰能禦之以此攻城何

城不克對曰君若以德綏諸侯誰敢不服君若以

力楚國方城以為城漢水以為池方城山在南陽葉縣南以言竟土之遠漢水出

武都至江夏南入江言其險固以當城池雖眾無所用之屈完及諸侯盟

○陳轅濤塗謂鄭申侯曰師出於陳鄭之間國必甚病申侯鄭大夫當有共給之費故若出於東方觀兵於東夷循海而

歸其可也東夷鄭莒徐夷也觀兵示威申侯曰善濤塗以告齊侯許

許出東方之申侯見曰師老矣若出於東方而遇敵懼不

可用也若出於陳鄭之間共其資糧扉屨其可也

扉草屨見賢齊侯說與之虎牢還以鄭邑賜之執轅濤塗公羊傳濤塗

謂桓公曰君能服南夷矣何不還師濱海而東服東夷且歸桓公曰諾于是還師濱海而東大陷于沛澤之中顧而執濤塗張氏洽曰如左氏說則齊師終由陳反但怒袁濤塗之言爾今按若果由陳鄭而歸則何必魯及江黃伐陳再勤諸侯之師乎以此考之則知公羊大陷沛澤之說為信所以桓公怒陳之深至于與諸侯之師伐而又侵也

○秋伐陳討不忠也以濤塗為誤軍道。王氏樵曰濤塗之言雖私其國然不聽則已何至勤師以討蓋陳蔡近楚嘗有貳心今不欲齊師反而由已齊人以為叛齊即楚之漸故因歸師以威之觀再侵而陳乃成則陳初未肯服也陳不心服桓再興師得其成而後已非專以濤塗也

○許穆公卒于師葬之以侯禮也男而以侯禮加二等凡諸侯薨于朝會加一等諸侯命有三等公為上等侯伯中等子男為下等死王事加二等謂以死勤事於是而有以袞斂袞衣公服也謂加二等。斂去聲

○冬叔孫戴伯帥師會諸侯之師侵陳陳成歸轅濤塗陳服罪故歸其大夫戴謚也

○初晉獻公欲以驪姬為夫人卜之不吉筮之吉

信公

公曰從筮卜人曰筮短龜長不如從長物生而後有象象而後有滋滋

而後有數龜象筮數故象長數短。孔疏易繫辭云著之德圓而神卦之德方以智神以知來知以藏往然則知來藏往是為極妙雖龜之長無以加

此聖人演筮以為易所知豈短于卜卜人欲令公舍筮從卜故云筮短龜長非是龜能實長且其繇曰專之渝

攘公之瑜繇卜兆辭渝變也攘除也瑜美也言變乃除公之美。孔疏言公若專心愛之公心必將改變變乃除公之美公先有美此人將除去之繇音胃

一薰一蕕十年尚猶有臭薰香草猶臭草十年有臭言善

易消惡難除。臭尺救反孔疏月令其臭香易云其臭如蘭傳稱在君之臭味則臭是氣之總名元非善惡之稱但既謂善氣為香故專以惡氣為臭耳

必不可弗聽立之生奚齊其娣生卓子及將立奚

齊既與中大夫成謀姬謂太子曰君夢齊姜必速

祭之齊姜太子母言求食太子祭于曲沃歸胙于公胙祭之酒肉公田

姬寘諸宮六日公至毒而獻之毒酒經宿輒敗而經六日明公之惑公祭之

地地墳墳扶粉反與犬犬斃與小臣小臣亦斃姬泣曰

賊由太子太子奔新城新城曲沃。今山西平陽府聞喜縣是也公殺其傅杜

原款或謂太子子辭君必辯焉以六日之狀自理太子曰君非

姬氏居不安食不飽我辭姬必有罪君老矣吾又

不樂吾自理則姬死姬死則君必不樂不樂為由吾也曰子其行乎太子曰君實不

察其罪被此名也以出人誰納我十二月戊申縊

于新城姬遂譖二公子曰皆知之重耳奔蒲夷吾

奔屈二子時在朝為明年晉殺申生傳

喜公

經五年春晉侯殺其世子申生稱晉侯惡用讒書春從告○杞伯姬

來朝其子無傳伯姬來寧寧成風也朝其子者時子在十歲左右因有諸侯子得行朝義而卒不成朝禮故繫於母而曰朝其子

○夏公孫茲如牟叔孫戴伯娶於牟卿非君命不越竟故奉公命聘於牟因自為逆○公

及齊侯宋公陳侯衛侯鄭伯許男曹伯會王世子

于首止惠王太子鄭也不名而殊會尊之也首止衛地陳留襄邑縣東南有首鄉○在今河南歸德府睢州東南○秋八

月諸侯盟于首止間無異事復稱諸侯者王世子不盟故也王之世子尊與王同齊桓行霸翼戴天子尊崇王室

鄭伯逃歸不盟逃其師而歸也逃例在文三年○楚人滅弦弦子

奔黃弦國在弋陽軹縣東南○今河南汝寧府光州西南有弦城湖廣黃州府蘄水縣有軹縣故城皆魏晉時弋陽郡境軹音犬○

九月戊申朔日有食之無傳○冬晉人執虞公虞公貪璧馬之寶距

絕忠諫稱人以執同於無道於其民之例例在十五年所以罪虞且言易也晉侯修虞之祀而歸其職貢於王故不以滅同姓為譏○陸氏淳曰虞公曾為三公故謂之公

傳五年春王正月辛亥朔日南至周正月今十一月冬至之日日南極公既

視朔遂登觀臺以望而書禮也視朔親告朔也觀臺臺上構屋可以遠觀者也朔旦冬至

凡分至啓歷數之所始治歷者因此則可以明其術數審別陰陽敘事訓民魯君不能常修此禮故善公之得禮○觀去聲

閉必書雲物分春秋分也至冬夏至也啓立春立夏閉立秋立冬雲物氣色災變也傳重申周典不言公者日官掌其職為

備故也素察妖祥逆為之備

○晉侯使以殺太子申生之故來告釋經必須告乃書初晉

侯使士蒍為二公子築蒲與屈不慎寘薪焉不謹夷

吾許之公使讓之謹讓之士為稽首而對曰臣聞之無

喪而感憂必讎焉讎猶對也無戎而城讎必保焉保而守之寇讎

之保又何慎焉守官廢命不敬固讎之保不忠失

忠與敬何以事君詩云懷德惟寧宗子維城詩大雅懷德以

將尋師焉焉用慎尋用也退而賦曰狐裘尫茸一國三

公吾誰適從士為自作詩也尫茸亂貌公與二公子為三言城不堅則為公子所許為公所讓堅之則為固讎不忠無以事

君故不知所從○尫茸江反適丁歷反。茸如容反及難公使寺人披伐蒲重耳曰

君父之命不校乃徇曰校者吾讎也踰垣而走披

斬其祛遂出奔翟祛袂也○校音教徇似浚反

○夏公孫茲如牟娶焉因聘而娶故傳實其事

○會于首止會王太子鄭謀寧周也惠王以惠后故將廢太子鄭而立王子帶

故齊桓帥諸侯會王太子以定其位

○陳轅宣仲怨鄭申侯之反已於召陵宣仲轅濤塗故勸

之城其賜邑齊桓所賜虎牢曰美城之大名也子孫不忘吾

助子請乃為之請於諸侯而城之美樓櫓之備美設遂譖諸

鄭伯曰美城其賜邑將以叛也申侯由是得罪為七

年鄭殺申侯傳

○秋諸侯盟王使周公召鄭伯曰吾撫女以從楚輔之以晉可以少安

周公宰孔也王恨齊桓定天子之位故召鄭伯使叛齊也晉楚不服於齊故以鎮安鄭

鄭伯喜於王命而懼其不朝於齊也故逃歸不盟

孔叔止之曰國君不可以輕輕則失親

孔叔鄭大夫親黨援也○輕去

失親患必至病而乞盟所喪多矣君必悔之弗

聽逃其師而歸

○楚鬪穀於菟滅弦弦子奔黃於是江黃道柏方

睦於齊皆弦姻也

姻外親也道國在汝南安陽縣南柏國名汝南西平縣有柏亭○安陽漢志作陽安應劭曰陽

弦子恃之而不事

安縣有道亭今河南汝寧府確山縣東北有陽安故城其南即道國西平縣今屬汝寧府柏亭在縣西

楚又不設備故亡

○晉侯復假道於虞以伐虢宮之奇諫曰虢虞之

表也虢亡虞必從之晉不可啓寇不可翫

翫習也

謂甚其可再乎

為二年假晉道滅下陽

寒者其虞虢之謂也

輔頰輔車牙車○車尺奢反牙車牙下骨之名也

也豈害我哉對曰太伯虞仲太王之昭也太伯不

從是以不嗣

大伯虞仲皆大王之子不從父命俱讓適吳仲雍支子別封西吳虞公其後也穆生昭昭生穆以世次計故大伯虞仲

虢仲虢叔王季之穆也

王季者大伯虞仲之母弟也虢仲虢叔王季之子文王之母弟也仲叔皆

為文王卿士勲在王室藏於盟府將虢是

於周為昭虢君字

滅何愛於虞且虞能親於桓莊乎其愛之也桓莊之族何罪而以為戮不唯偏乎桓叔莊伯之族晉獻公之從祖昆弟獻公患其偏盡殺之

事在莊二十五年親以寵偏猶尚害之况以國乎公曰吾享祀

豐絜神必據我據猶安也對曰臣聞之鬼神非人實親惟

德是依故周書曰皇天無親惟德是輔周書逸書○今書蔡仲之命

又曰黍稷非馨明德惟馨馨香之遠聞○今書君陳又曰民不易物

惟德絜物黍稷牲玉無德則不見饗有德則見饗言物一而異用○繫鳥兮反○語辭也今書旅絜如是則非

德民不和神不享矣神所馮依將在德矣馮皮○冰反若

晉取虞而明德以薦馨香神其吐之乎弗聽許晉

使宮之奇以其族行也行去曰虞不臘矣臘歲終祭眾神之名○朱子曰秦始有臘

祭而左氏謂虞不臘矣是秦時文字分明在此行也晉不更舉矣不更舉兵八月甲午

晉侯圍上陽上陽虢國都在弘農陝縣東南○陝縣今河南河南府陝州是也問於卜偃曰吾

其濟乎對曰克之公曰何時對曰童謠云丙之晨

龍尾伏辰龍尾尾星也日月之會曰辰日在尾故尾星伏不見均服振振取虢之旂戎事上下

同服振振盛貌旂軍之旌旗○振音真鷩之賁賁天策焯焯火中成軍虢公

其奔鷩鷩火星也賁賁鳥星之體也天策傳說星時近日星微焯焯無光耀也言丙子平旦鷩火中軍事有成功也此已上皆童謠言也童讖

之子未有念慮之感而會成嬉戲之言似若有馮者其言或中或否博覽之士能懼思之人兼而志之以為鑒戒以為將來之驗有益於世教○賁音奔

焯他門反讖初問反○毀齒也其九月十月之交乎以星驗推之知九月十月之交謂夏之九月十月也交晦

朔交 丙子旦日在尾月在策是夜日月合朔於尾月行疾故至旦而過在策 鶉火中

必是時也 冬十二月丙子朔晉滅虢虢公醜奔京

師不書不告也周十二月夏之十月 師還館于虞遂襲虞滅之執虞公及

其大夫井伯以媵秦穆姬秦穆姬晉獻公女送女曰媵以屈辱之 而脩虞祀

且歸其職貢於王虞所命祀 故書曰晉人執虞公罪虞且

言易也

經六年春王正月○夏公會齊侯宋公陳侯衛侯

曹伯伐鄭圍新城新城鄭新密今滎陽密縣○今河南開封府密縣東南三十里有故密城 ○秋楚

人圍許楚子不親圍以圍者告○陳氏傅良曰楚君將恒稱人 諸侯遂救許皆伐鄭之諸侯故不復更敘

○冬公至自伐鄭無傳

傳六年春晉侯使賈華伐屈夷吾不能守盟而行

賈華晉大夫非不欲校方不能守言不如重耳之賢 將奔狄卻芮曰後出同走罪也嫌與重耳

同謀而相隨 不如之梁梁近秦而幸焉乃之梁以梁為秦所親幸秦既大

國且穆姬在焉故欲因以求入

○夏諸侯伐鄭以其逃首止之盟故也首止盟在五年 圍新

密鄭所以不時城也實新密而經言新城者鄭以非時與土功齊桓聲其罪以告諸侯

○秋楚子圍許以救鄭諸侯救許乃還

○冬蔡穆侯將許僖公以見楚子於武城楚子退會武城猶有忿志

而諸侯各罷兵故蔡將許君歸楚武城楚地在南陽宛縣北。今河南南陽府南陽縣古宛縣地也。許男面縛銜璧

大夫衰經士輿櫬縛手於後唯見其面以璧為贄手楚子問

諸逢伯逢伯楚大夫對曰昔武王克殷微子啓如是微子啓紂庶兄

宋之祖也武王親釋其縛受其璧而祓之祓除凶之禮祓芳弗反焚其

櫬禮而命之使復其所楚子從之趙氏匡曰按楚本圍許以救鄭諸侯救許鄭

圍以解楚師亦退許有何懼乃隨蔡侯為滅國之禮乎若爾許已從楚齊又何故不伐許乎又云昔武王克殷微子啓如是亦可疑劉氏敞曰是後許男常與諸侯會知其初不降楚也

經七年春齊人伐鄭○夏小邾子來朝無傳邾犁來始得王命而來朝

也邾之別封故曰小邾○鄭殺其大夫申侯申侯鄭卿專利而不厭故稱名以殺罪之也例在文六年

秋七月公會齊侯宋公陳世子款鄭世子華盟于甯母高平方與縣東有泥母亭音如甯○泥乃麗反○母音某今山東兗州府魚臺縣東二十里穀城鎮即其地也○曹伯

班卒無傳五年同盟于首止○公子友如齊無傳罷盟而聘謝不敏也○冬葬曹昭

公無傳

傳七年春齊人伐鄭孔叔言於鄭伯曰諺有之曰

心則不競何憚於病競強也憚難也○言既不能自強何畏難于卑弱之病既不能彊

又不能弱所以斃也國危矣請下齊以救國公曰

吾知其所由來矣姑少待我欲以申侯說對曰朝不及夕

何以待君

僖公

○夏鄭殺申侯以說于齊且用陳轅濤塗之譖也
濤塗譖在五年初申侯申出也姊妹之子為出有寵於楚文王文王將

死與之璧使行曰唯我知女厭平聲女專利而不厭厭平聲子

取予求不女疵瑕也從我取從我求我不以女為罪後之人將求多於

女謂嗣君也求多以禮義大望其具之女必不免我死女必速行無適小國

將不女容焉政狹法峻既葬出奔鄭又有寵於厲公子文

聞其死也曰古人有言曰知臣莫若君弗可改也

已

○秋盟于甯母謀鄭故也管仲言於齊侯曰臣聞

之招攜以禮懷遠以德攜離也德禮不易無人不懷齊

侯脩禮於諸侯諸侯官受方物諸侯官司各於齊受其方所當貢天子之物鄭

伯使太子華聽命於會言於齊侯曰洩氏孔氏子

人氏三族實違君命三族鄭大夫洩息列反若君去之以為成我

以鄭為內臣君亦無所不利焉以鄭事齊如封內臣齊侯將許

之管仲曰君以禮與信屬諸侯而以姦終之無乃

不可乎子及不奸之謂禮守命共時之謂信守君命共時事

屬音燭奸音干共音恭違此二者姦莫大焉公曰諸侯有討於鄭

未捷今苟有覺從之不亦可乎子華犯父命是其覺對曰君若

綏之以德。加之以訓辭。而帥諸侯以討鄭。鄭將覆亡之不暇。豈敢不懼。若總其罪人以臨之。總將領也。子華奸父之命。

即罪人鄭有辭矣。何懼。以大義為辭且夫合諸侯以崇德也。會

而列姦。何以示後嗣。列姦用子華夫諸侯之會。其德刑禮

義無國不記。記姦之位。位會位也。子華為姦人。而列在會位。將為諸侯所記。君盟替矣。

替廢也作而不記。非盛德也。君舉必書。雖復齊史隱諱。亦損盛德。君其勿許。鄭必

受盟。夫子華既為太子。而求介於大國。以弱其國。

亦必不免。介因也鄭有叔詹堵叔。三良為政。未可

閒也。齊侯辭焉。子華由是得罪於鄭。冬。鄭伯使請

盟于齊。以齊侯不聽子華故

○閏月。惠王崩。襄王惡大叔帶之難。襄王惠王太子鄭也。大叔帶。襄王弟。惠后之子也。有寵於惠。后欲立之。未及而卒。懼不立。不發喪。而告難于齊。為八年盟。洮傳

經八年春。王正月。公會王人。齊侯。宋公。衛侯。許男。

曹伯。陳世子款。盟于洮。王人與諸侯盟。不譏者。王室有難故。洮。曹地。洮。他刀反。今山東東昌府濮州西南五十里。

鄭伯乞盟。新服未與會。故不序列。別言乞盟。○夏。狄伐晉。○秋。七月。

禘于大廟。用致夫人。禘。三年大祭之名。大廟。周公廟。致者。致新死之主於廟。而列之。昭穆。夫人淫而與殺。不薨於寢。

○冬。十有二月。丁未。天王

崩。實以前年閏月崩。以今年十二月丁未告。

僖公

傳八年春盟于洮謀王室也鄭伯乞盟請服也襄

王定位而後發喪王人會洮還而後王位定○吳氏澂曰左氏以為惠王已崩然豈有一年秘不發喪之理竊疑此時

王雖未崩或是有疾襄王惟恐一旦大故而叔帶篡立周之大臣亦有能為襄王謀者故遣下士告難于齊桓公於是合諸侯以謀之至冬王崩而襄王得安其位者齊桓之力也又曰鄭伯前年徇惠王之邪心逃首止之盟蓋不欲定世子也今見齊桓再會諸侯結盟以定世子之位襄王將嗣位為王矣故鄭伯懼後禍悔前非而乞與此盟也

○晉里克帥師梁由靡御虢射為右以敗狄于采

桑傳言前年事也平陽北屈縣西南有采桑津○在今山西平陽府寧鄉縣西大河南濟處也射音石梁由靡曰狄

無恥從之必大克不恥走里克曰懼之而已無速眾

敵恐怨深而羣黨來報虢射曰期年狄必至示之弱矣夏狄伐

晉報采桑之役也復期月明期年之言驗○期音基

○秋禘而致哀姜焉非禮也凡夫人不薨于寢不

殯于廟不赴于同不祔于姑則弗致也寢小寢同同盟將葬又不以殯

過廟據經哀姜薨葬之文則為殯廟赴同祔姑今當以不薨于寢不得致也○胡傳夫人者風氏也趙氏恒曰在禮夫人得與于祭君婦獻君母不獻君母既不獻成風雖不與可也而必用致之者成風在莊公時以妾不與今用致之使與於祭以成其為夫人也

○冬王人來告喪難故也是以緩有犬叔帶之難

○宋公疾太子茲父固請曰目夷長且仁君其立

之茲父襄公也目夷茲父庶兄子魚也公命子魚子魚辭曰能以國讓仁孰

大焉臣不及也且又不順立庶不順禮遂走而退

大

信公

大

經九年春王三月丁丑宋公御說卒四同夏公會

宰周公齊侯宋子衛侯鄭伯許男曹伯于葵邱周公宰孔

也宰官周采地天子三公不字宋子襄公也傳例曰在喪公侯曰子陳留外黃縣東有葵邱釋例曰宋地也今在河南開封府考城縣東三十里孔疏莊八年傳曰連稱管至父成葵邱杜云齊地傳稱齊侯不務德而勤遠略西為此會則此地遠處齊西不得遊在臨淄故釋例以為宋地○秋

七月乙酉伯姬卒無傳公羊穀梁曰未適人故不稱國已許嫁則以成人之禮書不復殤也婦人許嫁而笄猶丈夫之冠孔疏嫁于大夫死不書卒此許嫁者嫁于國君也但未往彼國不成彼國之婦故不稱國也○九月戊辰諸

侯盟于葵邱夏會葵邱次伯姬卒文不相比故重言諸侯宰孔先歸不與盟比毗志反○甲子晉

侯俛諸卒未同盟而赴以名甲子九月十一日戊辰十五日也書在盟後從赴俛九委反張氏洽曰不應甲子在戊辰後合從公

羊作甲戌○冬晉里克殺其君之子奚齊獻公未葬奚齊未成君故稱君之子奚齊受命

繼位無罪故里克稱名

傳九年春宋桓公卒未葬而襄公會諸侯故曰子

凡在喪王曰小童公侯曰子在喪未葬也小童者童蒙幼未之稱子者繼父之辭公侯位尊

上連王者下絕伯子男周康王在喪稱子一人創禮稱亦不言小童或所稱之辭各有所施此謂王自稱之辭非諸下所得書故經無其事傳通取舊典之文以事相接○啖氏助曰伯子男在喪亦當稱子獨言公侯誤也

○夏會于葵邱尋盟且修好禮也王使宰孔賜齊

侯胙胙祭肉尊之比二王後曰天子有事于文武有祭事也使孔賜伯舅

胙天子謂異姓諸侯曰伯舅齊侯將下拜孔曰且有後命天子使孔

曰以伯舅耄老加勞賜一級無下拜七十曰耄級等也○孔疏曲禮升階之法

備公

七

卷之九

卷之九

卷之九

卷之九

卷之九

卷之九

卷之九

云涉級聚足是級為等也法當下
拜賜之勿下是進一級勞去聲
威嚴常在頰面
之前八寸曰咫
對曰天威不遠顏咫尺言天鑒

○秋齊侯盟諸侯于葵邱曰凡我同盟之人既盟
之後言歸于好義取修好故宰孔先歸既會先遇晉侯曰

可無會也晉侯欲求齊侯不務德而勤遠略故北伐

山戎在莊三南伐楚在四西為此會也東略之不知西

則否矣言或向東必不能復其在亂乎君務靖亂無勤於

拜下拜登受拜堂下受胙於遺去聲

○九月晉獻公卒里克不鄭欲納文公故以三公

子之徒作亂不鄭晉大夫三公子申生初獻公使荀息傅奚

齊公疾召之曰以是藐諸孤言其幼賤與諸子縣辱在大

夫其若之何欲屈辱荀息稽首而對曰臣竭其股肱之

力加之以忠貞其濟君之靈也不濟則以死繼之

公曰何謂忠貞對曰公家之利知無不為忠也送

往事居耦俱無猜貞也往死者居生者耦兩也送死及里克

行在存也微戒獻公言晉將有亂林氏堯叟曰在察也言當

還不復會齊

○九月晉獻公卒里克不鄭欲納文公故以三公

子之徒作亂不鄭晉大夫三公子申生初獻公使荀息傅奚

齊公疾召之曰以是藐諸孤言其幼賤與諸子縣辱在大

夫其若之何欲屈辱荀息稽首而對曰臣竭其股肱之

力加之以忠貞其濟君之靈也不濟則以死繼之

公曰何謂忠貞對曰公家之利知無不為忠也送

往事居耦俱無猜貞也往死者居生者耦兩也送死及里克

行在存也微戒獻公言晉將有亂林氏堯叟曰在察也言當

還不復會齊

將殺奚齊先告荀息曰三怨將作三公子之徒秦晉輔之

子將何如荀息曰將死之里克曰無益也荀叔曰

吾與先君言矣不可以貳能欲復言而愛身乎荀叔

也復言言可復也○言欲踐其言目不得愛其身雖無益也將焉辟之且人之欲善

誰不如我我欲無貳而能謂人已乎言不能止里克使不忠於申生等

冬十月里克殺奚齊于次次喪寢書曰殺其君之子未

葬也荀息將死之人曰不如立卓子而輔之荀息

立公子卓以葬十一月里克殺公子卓于朝荀息

死之君子曰詩所謂白圭之玷尚可磨也斯言之

玷不可為也詩大雅言此言之缺難治甚於白圭荀息有焉有此詩人重言之義

○齊侯以諸侯之師伐晉及高粱而還討晉亂也

高粱晉地在平陽縣西南○今山西平陽府臨汾縣東三十七里高粱都地名梁墟是也令不及魯故不書前已

發不書例今復重發嫌霸者異於凡諸侯

○晉卻芮使夷吾重賂秦以求入卻芮卻克祖父從夷吾者曰人實

有國我何愛焉言國非已之有何愛而不以賂秦入而能民土於何有從

之能得民不患無土齊隰朋帥師會秦師納晉惠公隰朋齊大夫惠公夷吾○

隰音習秦伯謂卻芮曰公子誰恃對曰臣聞亡人無黨

有黨必有讎言夷吾無黨無黨則無讎易出易入以微勸秦夷吾弱不好弄弄戲也能

鬪不過

有節制

長亦不改不識其他公謂公孫枝曰夷

吾其定乎

公孫枝秦大夫子桑也

對曰臣聞之唯則定國詩曰不

識不知順帝之則文王之謂也

詩大雅帝天也則法也言文王闡行自然合天之法

又

曰不僭不賊鮮不為則

僭過差也賊傷害也皆忌克也

無好無

惡不忌不克之謂也今其言多忌克

既僭而賊難哉言能自定難

公曰忌則多怨又焉能克是吾利也

其言雖多忌適足以自害不能勝人也秦

伯慮其還害已故曰是吾利

○宋襄公即位以公子目夷為仁使為左師以聽

政於是宋治故魚氏世為左師

經十年春王正月公如齊

無傳

○狄滅溫溫子奔衛

蓋中國之狄滅而居其土地

○晉里克弒其君卓及其大夫荀息

在前年而以今春書者從赴也獻公既葬卓已免喪故稱君也荀息稱名者雖欲復言本無遠謀從君於昏○胡傳君弒而死于難書及所以著其節書大夫不失其官也於荀息何取焉若息者可謂不食其言矣注氏克寬

曰春秋書死節者三孔父仇牧荀息之守信比於正色而立於朝委身以摧勅敵者固有間矣然聖人猶有取焉者視石之紛如

徒人費賈舉州綽近習嬖幸之臣則猶此善于彼也

○夏齊侯許

男伐北戎

無傳北戎山戎

○晉殺其大夫里克

里克齊者先君所命卓子又在國嗣位罪

未為無道而里克親為三怨之主累弒二君故稱名以罪之○胡傳里克弒二君不以討賊之辭書者惠公殺之不以其罪也里克所為弒者為重耳也

夷吾曰是又將殺我也故稱國以殺而不去其官

○秋七月○冬大雨雪

無傳平地尺為大雪○雨去聲

傳十年春狄滅溫蘇子無信也蘇子叛王即狄又

不能於狄狄人伐之王不救故滅蘇子奔衛蘇子周公之後也國於温故曰温子叛王事在莊十九年

○夏四月周公忌父王子黨會齊隰朋立晉侯周公忌父

晉侯殺里克以說自解說不篡將殺里克公使謂

之曰微子則不及此雖然子弑二君與一大夫為

子君者不亦難乎對曰不有廢也君何以興欲加

之罪其無辭乎言欲加已罪不患無辭臣聞命矣伏劍而死於是

平鄭聘于秦且謝緩賂故不及平鄭里克當在秦故不及里克俱死

○晉侯改葬共太子共太子申生也○共音恭秋狐突適下國下國曲沃新城

遇太子太子使登僕忽如夢而相見狐突木為申生御故復使登車為僕而告之曰夷

吾無禮○孔疏賈逵云丞于獻公夫人賈君故曰無禮馬融云申生不自明而死夷吾改葬之章父之過故曰無禮杜不為注當以鬼神之意難得而知夷吾無禮或非一事不可指言故不說也余得請於帝矣請罰夷吾將以晉畀秦

秦將祀余對曰臣聞之神不歆非類民不祀非族

君祀無乃殄乎歆饗也殄絕也且民何罪失刑之祀君其圖

之君曰諾吾將復請七日新城西偏將有巫者而

見我焉新城曲沃也將因巫而見許之遂不見狐突許其言申生之象亦沒及期而往

告之曰帝許我罰有罪矣敝於韓敝敗也韓晉地獨敝惠公故言罰有罪明不復

以晉畀秦夷吾忌克多怨終於失國雖改葬加謚申生猶忿傳言鬼神所馮

有時而信○括地志同州韓城縣南十八里為古韓國今屬陝西西安府地

名韓原

○平鄭之如秦也言於秦伯曰呂甥卻稱冀芮實

為不從若重問以召之三子晉大夫不從不與秦賂問聘問之幣臣出晉君君

納重耳茂不濟矣茂無也冬秦伯使冷至報問且召三

子冷至秦大夫卻芮曰幣重而言甘誘我也遂殺平鄭

祁舉祁舉晉大夫及七輿大夫侯伯七命副車七乘左行共華右行賈

華叔堅騅欵纍虎特宮山祁皆里平之黨也七子七輿大夫

侯背大主而忌小怨民弗與也伐之必出大主秦也小怨里平

言於秦伯曰晉

公曰失眾焉能殺謂殺里平之黨違禍誰能出君謂豹避禍也為明年晉殺平鄭

傳

經十有一年春晉殺其大夫平鄭父以私怨謀亂國書名罪之書春從告○胡

傳不鄭言于秦伯請出晉君則鄭有罪矣曷為稱國以殺而不去其官惠公以私意殺里克故其黨皆懼鄭之有此謀由殺里克致之也○夏

公及夫人姜氏會齊侯于陽穀無傳婦人送迎不出門見兄弟不踰闕與公俱會齊侯非禮

○秋八月大雩無傳過時故書○冬楚人伐黃

傳十一年春晉侯使以平鄭之亂來告釋經書在今年

○天王使召武公內史過賜晉侯命天王周襄王召武公周卿士內史過周大夫諸侯即位天子賜之命圭為瑞○過平聲

受玉惰過歸告王曰晉侯其無後

乎王賜之命而惰於受瑞先自弃也已其何繼之
有禮國之幹也敬禮之與也不敬則禮不行禮不
行則上下昏何以長世為惠公不終張本

○夏揚拒泉臯伊雒之戎同伐京師入王城焚東

門揚拒泉臯皆戎邑及諸雜戎居伊水雒水之間者今伊闕北有泉亭○拒俱字反○今河南河南府洛陽縣西南有前城即泉亭也王子

帶召之也王子帶甘昭公也名戎欲因以篡位秦晉伐戎以救周秋晉侯平

戎于王為二十四年天王出居鄭傳

○黃人不歸楚貢冬楚人伐黃黃人恃齊故

經十有二年春王三月庚午日有食之無傳不書朔官失之○

夏楚人滅黃○秋七月○冬十有二月丁丑陳侯

杵臼卒無傳遣世子與偃公同盟甯母及洮

傳十二年春諸侯城衛楚邱之郭懼狄難也楚邱衛國都郭

郭也為明年春秋狄侵衛傳

○黃人恃諸侯之睦于齊也不共楚職曰自郢及

我九百里焉能害我夏楚滅黃郢楚都○共音恭

○王以戎難故討王子帶子帶前年召戎伐周秋王子帶奔齊

○冬齊侯使管夷吾平戎于王使隰朋平戎于晉

平和也前年晉救周伐戎故戎與周晉不和王以上卿之禮饗管仲管仲辭曰

臣賤有司也有天子之二守國高在國子高子天子所命為齊守臣皆上卿也

莊二十二年高侯始見經僖二十八年國歸父乃見傳歸父之父曰懿仲高侯之子曰莊子不知今當誰世○守去聲若節春秋

來承王命何以禮焉即時陪臣敢辭諸侯之臣曰陪臣王曰舅

氏伯舅之使故曰舅氏余嘉乃勲應乃懿德謂督不忘往踐乃

職無逆朕命功勲美德可謂正而不可忘者不言位而言職者管仲位卑而執齊政故欲以職尊之○孔疏應當也督正也言我

善汝功勲當汝美德謂女功德正而不可忘宜受此禮管仲受下卿之禮而還管仲不敢以職自高卒受

本位君子曰管氏之世祀也宜哉讓不忘其上詩曰

愷悌君子神所勞矣詩大雅愷樂也悌易也言樂易君子為神所勞來故世祀也管仲之後於齊沒不復見傳

亦舉其無驗○孔疏世族譜管氏出自周穆王成十一年傳有齊管子奚譜以為雜人則非管仲之子孫也哀十六年傳稱楚白公殺齊管修杜云管修

楚賢大夫故齊管仲之後是管仲之後于齊沒不復見也顧氏炎武曰世本管氏自莊仲山生敬仲夷吾夷吾生武子鳴鳴生桓子啓方啓方生成子孺孺生莊子廬廬生悼子其夷其夷生襄子武武生景子耐步耐步生微耐步以上皆有謚是亦世祀之驗但無功業可見耳勞去聲

經十有三年春秋侵衛傳在前夏四月葬陳宣公

無公會齊侯宋公陳侯衛侯鄭伯許男曹伯于鹹

鹹衛地東郡濮陽縣東南有鹹城○在今直隸大名府開州東南六十里秋九月大雩無傳冬公

子友如齊無傳

傳十三年春齊侯使仲孫湫聘于周且言王子帶

前年王子帶奔齊言欲復之事畢不與王言不言子帶事歸復命曰未可王

怒未怠其十年乎不十年王弗召也

○夏會于鹹淮夷病杞故且謀王室也○秋為戎難故諸侯戍周齊仲孫湫致之戍守也致諸侯戍卒于周

○冬晉荐饑麥禾皆不熟使乞糴于秦秦伯謂子桑與諸乎對曰重施而報君將何求言不損秦重施而不報

其民必攜攜而討焉無眾必敗不義故謂百里與諸乎百里秦大夫對曰天災流行國家代有救災恤鄰道也

行道有福平鄭之子豹在秦請伐晉欲為父報怨秦伯曰

其君是惡其民何罪秦於是乎輸粟于晉自雍及絳相繼雍秦國都絳晉國都

雍去聲今陝西鳳翔府鳳翔縣南七里有古雍城秦德公所居大鄭宮城也命之曰汎

舟之役從渭水運入河汾

經十有四年春諸侯城緣陵緣陵杞邑辟淮夷遷都于緣陵後漢志北海郡有營陵縣薛瓚曰春秋謂之緣陵是也其故城在樂昌縣東南七十里今屬山東青州府

○夏六月季姬及鄆子遇于防使鄆子來朝季姬魯女鄆夫人也鄆子本無朝志為季姬所召而來故言使鄆子來朝鄆國今琅邪鄆縣○鄆似綾反○今山東兗州府嶧縣東有鄆城

○秋八月辛卯沙鹿崩沙鹿山名平陽鹿土山在晉地災害繫於所災所害故不繫國○沙鹿山在今直隸大名府元城縣東四十五里其西有沙鹿城劉氏敞曰曷為不繫國名山大澤不以封諸侯

○狄侵鄭無傳○冬蔡侯肸卒無傳未同盟而赴以名○肸許乙反

傳十四年春諸侯城緣陵而遷杞焉不書其人有闕也闕謂器用不具城也未固而去為惠不終也澶淵之會既而無歸大夫不書而國別稱人今此總曰諸侯君臣之辭不言城杞杞未遷也○澶市然反

三

三

三

三

三

三

三

三

三

三

三

○鄆季姬來寧公怒止之以鄆子之不朝也來寧不書而後

○秋八月辛卯沙鹿崩晉卜偃曰期年將有大咎幾亡國國主山川崩川竭亡國之徵。期音基

○冬秦饑使乞糴于晉晉人弗與慶鄭曰背施無親慶鄭晉大夫。背音佩。施去聲。幸災不仁貪愛不祥怒鄰不義四德

皆失何以守國虢射曰皮之不存毛將安傅虢射惠公舅也

鄰患孰恤之無信患作失援必斃是則然矣虢射皮以喻所許秦城毛以喻糴言既背秦施為怨以深雖與之糴猶無皮而施毛。射音石。傅音附。慶鄭曰弃信背

曰無損於怨而厚於寇不如勿與言與秦粟不足解怨適足使秦強慶鄭曰背施幸災民所弃也近猶讎之况怨敵乎弗聽退曰君其悔是哉

經十有五年春王正月公如齊無傳諸侯五年再相朝禮也例在文十五年○

楚人伐徐○三月公會齊侯宋公陳侯衛侯鄭伯

許男曹伯盟于牡邱牡邱地名闕。今山東東昌府聊城縣東北七十里有牡邱。或云即春秋會盟處。

遂次于匡匡衛地在陳留長垣縣西南。長垣縣今屬直隸大名府。公孫敖帥師及諸侯

之大夫救徐公孫敖慶父之子。諸侯既盟次匡皆遣大夫將兵救徐故不復具列國別也。○夏五月

日有食之○秋七月齊師曹師伐厲厲楚與國義陽隨縣北有厲鄉。今湖廣

德安府隨州北四十里
有厲山厲鄉在山下
○八月冬無傳
○九月公至自會無傳

季姬歸于郟無傳來寧不書此書者以明中絕。蘇氏轍曰郟子既朝乃使歸之故書曰歸于郟。○已卯晦

震夷伯之廟夷伯魯大夫展氏之祖父夷謚伯。字震者雷電擊之大夫既卒書字。○冬宋人伐曹

○楚人敗徐于婁林婁林徐地下邳僮縣東南有婁亭。在今江南鳳陽府虹縣東北。○十有

一月壬戌晉侯及秦伯戰于韓獲晉侯例得大夫曰獲。晉侯背施無親。

懷諫違卜故貶絕下從眾臣之例而不言以歸不書敗績晉師不大崩。公羊傳何以不言師敗績君獲不言師敗績也。劉氏敞曰獲者獲得之也。大凡君死其位曰滅生得曰獲大夫生死皆曰獲此所以異君臣之辭也不限獲于臣也。

傳十五年春楚人伐徐徐即諸夏故也三月盟于

牡邱尋葵邱之盟且救徐也葵邱盟在九年孟穆伯帥師及

諸侯之師救徐諸侯次于匡以待之

○夏五月日有食之不書朔與日官失之也

○秋伐厲以救徐也

○晉侯之入也秦穆姬屬賈君焉晉侯入在九年穆姬申生姊秦穆夫人賈君晉獻公次妃賈女也。屬音燭。

且曰盡納羣公子羣公子晉武獻之族宣二年傳曰驪姬之亂誣無畜羣公子

晉侯烝於賈君又不納羣公子是以穆姬怨之晉

侯許賂中大夫中大夫國內執政里平等既而皆背之賂秦伯以河

外列城五東盡虢略南及華山內及解梁城既而

不與河內河南也東盡虢略從河南而東盡虢界也解梁城今河東解縣也華山在弘農華陰縣西南。後漢志陸渾西有虢略地今河南河

傳十五年春楚人伐徐徐即諸夏故也三月盟于

牡邱尋葵邱之盟且救徐也葵邱盟在九年孟穆伯帥師及

諸侯之師救徐諸侯次于匡以待之

○夏五月日有食之不書朔與日官失之也

○秋伐厲以救徐也

○晉侯之入也秦穆姬屬賈君焉晉侯入在九年穆姬申生姊秦穆夫人賈君晉獻公次妃賈女也。屬音燭。

且曰盡納羣公子羣公子晉武獻之族宣二年傳曰驪姬之亂誣無畜羣公子

南府嵩縣境是也。解音蟹。山西平陽府蒲州臨晉縣東南十八里有解城。華陰縣今屬陝西西安府。

晉饑秦輸之粟。在十三年

秦饑晉閉之糴。

在十四年

故秦伯伐晉。下徒父筮之吉。

徒父秦之

掌龜卜者。卜人而用筮。不能通三易之占。故據其所見雜占而言之。○顧氏炎武曰。周禮大卜。掌三兆三易三夢之法。是古之筮皆兼掌于卜人也。

河侯車敗。詰之。

秦伯之軍泚河。則晉侯車敗也。秦伯不解。謂敗在已。故詰之。

對曰。乃大吉也。

三敗必獲晉君。其卦遇蠱。三三。

巽下艮上蠱

曰。千乘三去。

三去之餘。獲其雄狐。夫狐蠱必其君也。

於周易利涉大川。往有事也。亦

秦勝晉之卦也。今此所言。蓋卜筮書雜辭。以狐蠱為君。其義欲以喻晉惠公。其象未聞。○顧氏炎武曰。按邵氏云。去猶算法所謂除也。以三除法除之。每

除三百三十三。則三除所剩。唯非獲其君而何。

蠱之貞風也。其悔山也。

內卦為貞。外卦為悔。巽為風。秦

外

象艮為山。晉象

歲云秋矣。我落其實。而取其材。所以克也。

周九月夏

之七月孟秋也。艮為山。山有木。今歲已秋。風吹落山木之實。則材為人所取。

實落材亡。不敗何待。三

敗及韓。

晉侯車三壞

晉侯謂慶鄭曰。寇深矣。若之何。對曰。

君實深之。可若何。公曰。不孫。卜右。慶鄭吉。弗使。

惡其不孫

不以為車右。此夷吾之多忌。孫音遜。

步揚御戎。家僕徒為右。

步揚卻驪之父

乘小馬。

鄭入也。

鄭所獻馬名小駟

慶鄭曰。古者大事必乘其產。生其

水土。而知其人心。安其教訓。而服習其道。唯所納

之。無不如志。今乘異產。以從戎事。及懼而變。將與

人易。

變易人意

亂氣狡憤。陰血周作。張脉僨興。外彊中乾。

狡戾也。僨動也。氣狡憤於外。則血脉必周身而作。隨氣張動。外雖有彊形。而內實乾竭。○張去聲。

進退不可。周旋不

能君必悔之弗聽九月晉侯逆秦師使韓簡視師

韓簡晉大夫復曰師少於我鬪士倍我公曰何故對曰

出因其資謂奔梁入用其寵為秦所納饑食其粟三施而無

報是以來也今又擊之我怠秦奮倍猶未也公曰

一夫不可狃况國乎狃快也言辟秦則使快來遂使請戰曰

寡人不佞能合其眾而不能離也君若不還無所

逃命秦伯使公孫枝對曰君之未入寡人懼之入

而未定列猶吾憂也列位也一說師之伍列苟列定矣敢不承命

韓簡退曰吾幸而得囚得囚為幸言必敗壬戌戰于韓原九月十三

晉戎馬還澗而止澗泥也還便旋也小駟不調故公號慶鄭

慶鄭曰懷諫違卜懷庚也○號平聲懷皮逼反固敗是求又何逃焉

遂去之梁由靡御韓簡號射為右輅秦伯將止之

鄭以救公誤之遂失秦伯秦獲晉侯以

歸經書十一月壬戌十四日經從赴晉大夫反首拔舍從之反首亂頭髮下垂也拔草舍止壞形毀服

秦伯使辭焉曰二三子何其感也寡人之從君而

西也亦晉之妖夢是踐豈敢以至狐突不寐而與神言故謂之妖夢申生言帝許

晉大夫三拜稽首曰君履后土

而戴皇天皇后土實聞君之言羣臣敢在下風

穆姬聞晉侯將至以太子瑩弘與女簡璧登臺而

履薪焉瑩康公名弘其母弟也簡璧瑩弘姊妹古之宮閉者皆居之臺以抗絕之穆姬欲自罪故登臺而荐之以薪左右上下者皆履柴乃

得通示欲自焚也瑩於耕反使以免服衰經逆且告免衰經遭喪之服令行人服此服迎秦伯且告

將以恥辱自殺免音問曰上天降災使我兩君匪以玉帛相見而

以興戎若晉君朝以入則婢子夕以死夕以入則

朝以死唯君裁之乃舍諸靈臺在京兆鄠縣周之故臺亦所以抗絕令不得通外內鄠

大夫請以入公曰獲晉侯以厚歸也既而

喪歸焉用之若將晉侯入則夫人或自殺大夫其何有焉何有猶何得且晉

人感憂以重我謂反首拔舍天地以要我不圖晉憂重其

怒也我食吾言背天地也食消也。要平聲。重怒難任背天

不祥必歸晉君任當也。任音壬。公子繫曰不如殺之無聚

慝焉公子繫秦大夫恐夷吾歸復相聚為惡子桑曰歸之而質其太子必得

大成晉未可滅而殺其君祇以成惡祇適也。質音置祇音支。且史

佚有言曰無始禍史佚周武王時大史名佚。無怙亂恃人亂為已利。無重怒重

怒難任陵人不祥乃許晉平晉侯使卻乞告瑕呂

飴甥且召之卻乞晉大夫也瑕呂飴甥即呂甥也蓋姓瑕呂名飴甥字子金晉侯聞秦將許之平故告呂甥召使迎已。飴音怡。顧氏炎武曰呂氏也瑕其邑名如成元年瑕嘉之瑕蓋兼食陰瑕二邑故又曰陰飴甥。子金教之言曰朝國

人而以君命賞恐國人不從故先賞之於朝。且告之曰孤雖歸辱社

稷以君命賞

稷矣其卜貳圉也貳代也圉惠眾皆哭哀君不還國晉於是乎

作爰田分公田之稅應入公者爰之於所賞之眾○孔疏爰易也謂舊入公者乃改易與所賞之眾呂甥曰君亡

之不恤而羣臣是憂惠之至也將若君何眾曰何

為而可對曰征繕以輔孺子征賦也繕治也孺子天子圍○孺如喻反諸侯聞

之喪君有君羣臣輯睦甲兵益多好我者勸惡我

者懼庶有益乎喪去聲眾說晉於是乎作州兵五黨為州州二千五百家

也因此又使州長各繕甲兵○孔疏周禮鄉大夫以歲時登其夫家之眾寡辨其可任者州長則否今以州長管人既少督察易精故使州長治之陸氏隴其

曰呂甥此時有于忠肅之功然卒不能延惠懷之祚故人臣以格君心之非為大初晉獻公筮嫁伯姬於

秦遇歸妹三三兌下震上歸妹之睽三三兌下離上睽歸妹上六史

蘇占之曰不吉史蘇晉卜筮之史其繇曰士刳羊亦無盍也女

承筐亦無貺也周易歸妹上六爻辭也盍血也貺賜也刳羊士之功承筐女之職上六無應所求不獲故下卦無血上承無

實不吉之象也離為中女震為長男故稱士女○繇音曹卦苦圭反盍音荒西鄰責言不可償也將嫁女於

西而遇不吉之卦故知有責讓之言不可報償歸妹之睽猶無相也歸妹女嫁之卦睽非離之象故曰無相

助震之離亦離之震二卦變而氣相通為雷為火為羸敗姬言秦姓姬

晉姓震為雷離為火火動熾而害其母女嫁反害其家之象故曰為羸敗姬車說其輶火焚其旗不

利行師敗于宗邱輶車下縛也邱猶邑也震為車離為火上六爻在震則無應故車脫輶在離則失位故火焚旗

言皆失車火之用也車敗旗焚故不利行師火還害母故敗不出國近在宗邑○孔疏子夏易傳云輶車下伏兔也今人謂之車履形如伏兔以繩縛于

軸因名縛也說音脫輶音福歸妹睽孤寇張之弧此睽上九爻辭也處睽之極故曰睽孤失位孤絕故遇寇

難而有弓矢之震為木離為火從木生離為震妹於火姪其從姑為姑謂我姪者我謂之姑謂子圍質秦六

年其逋逃歸其國而弃其家逋亡也家謂子圍婦懷羸明年其死於

高粱之虛惠公死之明年文公入殺懷公于高粱高粱晉地在平陽楊氏縣西南凡筮者用周易則其象可推非此而往則臨時占者或

取于象或取于氣或取于時日王相以成其占若盡附會以文象則構虛而不經故略言其歸趣他皆放此○虛去魚反○今山西臨汾縣有梁墟王相並去聲

及惠公在秦曰先君若從史蘇之占吾不及此夫

韓簡侍曰龜象也筮數也物生而後有象象而後

有滋滋而後有數先君之敗德及可數乎史蘇是

占勿從何益言龜以象示筮以數告象數相因而生然後有占占所以知吉凶不能變吉凶故先君敗德非筮數所生雖復不從史蘇

不能益禍○孔疏凡是動植飛走之物物既生說而後有其形象既為形象而後滋多滋多而後始有頭數又曰韓簡之意以為惠公及禍自由先君獻公廢

嫡立庶之敗德不由卜筮故云先君之敗德既定致公今及此禍可由筮數始生之乎按疏及字絕句一說可數之數應上聲讀言先君敗德及今不可悉數也亦

通詩曰下民之孽匪降自天傳沓背憎職競由人

詩小雅言民之有邪惡非天所降傳沓面語背相憎疾皆人競所主作因以諷諫惠公有以名此禍也○傳尊本反沓徒合反

○震夷伯之廟罪之也於是展氏有隱慝焉隱惡非法所得

尊貴罪所不加是以聖人因天地之變自然之妖以感動之知達之主則識先聖之情以自厲中下之主亦信妖祥以不妄神道助教唯此為深○知音智

劉氏敞曰左氏云展氏有隱慝如此則夷為展氏之謚非也春秋國史也君前臣名縱不可名之猶當繫字于氏寧有稱其謚遂舍其族哉

○冬宋人伐曹討舊怨也莊十四年曹與諸侯伐宋

○楚敗徐于婁林徐恃救也恃齊

○十月晉陰飴甥會秦伯盟于王城陰飴甥即呂甥也食采於陰故曰陰飴甥

王城秦地馮翊臨晉縣東有王城今名武鄉。○今平陽府霍州有呂鄉有陰地村王城在西安府朝邑縣東。秦伯曰晉國

和乎對曰不和。小人恥失其君而悼喪其親。痛其親為秦所

殺○喪去聲不憚征繕以立國也。曰必報讎寧事戎狄。君

子愛其君而知其罪不憚征繕以待秦命。曰必報

德有死無二。以此不和。秦伯曰國謂君何對曰小

人感謂之不免。君子怒以為必歸。小人曰我毒秦

秦豈歸君。毒謂三施不報君子曰我知罪矣。秦必歸君。貳而

執之服而舍之。德莫厚焉。刑莫威焉。服者懷德。貳

者畏刑。此一役也。言還惠公使諸侯威服復可當一事之功。服氏皮曰一役者謂韓戰之役秦可

以霸納而不定。廢而不立。以德為怨。秦不其然。秦

伯曰是吾心也。改館晉侯饋七牢焉。牛羊豕各一為一牢蛾析謂

慶鄭曰盍行乎。蛾析晉大夫也。蛾魚綺反對曰陷君於敗。謂呼不往誤晉師失秦伯

敗而不死。又使失刑。非人臣也。臣而不臣。行將焉

入。十一月晉侯歸。丁丑殺慶鄭而後入。丁丑月二十九日是歲

晉又饑。秦伯又餼之粟。餼許氣反曰吾怨其君而矜其

民。且吾聞唐叔之封也。箕子曰其後必大。晉其庸

可冀乎。唐叔晉始封之君。武王之子。箕子殷王帝乙之子紂之庶兄。孔疏鄭立王肅皆以箕子為紂之諸父姑樹德焉。

以待能者。於是秦始征晉河東。置官司焉。征賦也

